



Broj/Број: 01,02,03,04/5-05-302/376/08
Sarajevo/Сарајево, 20. 11. 2008. godine

IZVJEŠTAJ

sa 54. godišnje Konferencije Parlamentarne skupštine NATO-a,
održane u Valenciji, od 14. do 18. novembra 2008.

U radu 54. godišnje Konferencije Parlamentarne skupštine NATO-a, održane u Valenciji, od 14. do 18. novembra 2008. godine, učestvovali su: Milorad Živković, predsjedavajući Delegacije Parlamentarne skupštine BiH u Parlamentarnoj skupštini NATO-a, Halid Genjac i Ivo Miro Jović, članovi Delegacije.

Delegaciji su se 14. i 15. 11. pridružili Željana Zovko, ambasadorica BiH u Kraljevini Španiji, a u periodu od 15.-18.11. 2008. godine Nikola Radovanović, ambasador Misija BiH pri NATO i Kraljevini Belgiji.

14. 11. 2008. godine

Održan je sastanak sekretara Delegacija. Sastanak je održan sa sljedećim dnevnim redom:

1. Upoznavanje sa planom rada 54. godišnje Konferencije,
2. Informacija o rezultatima sastanka sekretara Delegacija koji je održan u Berlinu 23.05.2008. godine,
3. Informacija o štampanim materijalima za potrebe održavanja 54. godišnje Konferencije,
4. Informacija o rasporedu rada Komiteta,
5. Priprema za održavanje sastanaka i konferencija NATO PS u 2009. godini
 - Proljetno zasjedanje NATO Parlamentarne skupštine (PS), Oslo, Norveška, 22.-26.maj 2009.
 - Godišnja Konferencija NATO PS, Edinburg, UK, 13-17. novembar 2009.godine,
 - Sastanci u 2010., 2011., 2012. i 2013.
6. Saradnja između Delegacija i Međunarodnog Sekretarijata.

Isti dan je održan i sastanak Delegacije gdje su članovi Delegacije upoznati sa rasporedom rada 54. godišnje Konferencije i zaključcima sa sastanka sekretara Delegacija. Dogovoren je način praćenja rada i učešća u radu Komiteta.

Održan je i sastanak sa Željanom Zovko, ambasadoricom BiH u Kraljevini Španiji. Tom prilikom ambasadorica Zovko je upoznala članove Delegacije PS BiH u NATO PS sa aktivnostima Ambasade BiH u Kraljevini Španiji.

15.11. 2008. godine

Rad 54. godišnje Konferencije se odvijao po planu. Prije početka rada Komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na pomenutim sastancima su razmijenjena mišljenja o temama koje su predviđene za raspravu tokom Konferencije.

Održani su sastanci Komiteta na kojima su članovi Delegacije PS BiH uzeli učešće:

- Komitet za civilnu dimenziju sigurnosti,
- Komitet za odbranu i sigurnost,
- Komitet za ekonomska i sigurnosna pitanja,
- Politički komitet.

Komitet za civilnu dimenziju sigurnosti

U radu Komiteta učestvovali su Milorad Živković i Halid Genjac. Radom Komiteta predsjedavao je Michael Clapham, UK.

Tokom rada Komiteta održane su prezentacije o temama:

- Problemi i razlike u gledanjima na sigurnost energetske infrastrukture i energetska situacija, Phillip Cornell, direktor sektora za međunarodne odnose, NATO Škola Oberamergau,
- Saradnja i problemi u zaštiti kritične energetske infrastrukture, Lord Jopling, UK
- Slabosti, problemi i međuetnički odnosi u zemljama zapadnog Balkana, Gerald Knaus, predsjednik Inicijative za stabilnost Evrope (ESI)
- Kosovo i problemi sigurnosti na Balkanu u budućnosti, Vitalino Canas, Portugal

Nakon održanih prezentacija vođena se rasprava o iznijetim stavovima i gledanjima izvjestilaca i prezentatora. Izražena je velika zabrinutost oko stanja sigurnosti energetske infrastrukture kao i moguće aktivnosti u povećanju stepena sigurnosti u toj oblasti. Kada je u pitanju situacija na Balkanu iznijeti su brojni pokazatelji koji govore o ostvarenom napretku u brojnim sferama, posebno u aktivnostima zemalja zapadnog Balkana koje vode ka NATO i evropskim integracijama, ali izražena je i zabrinutost za sporost u rješavanju brojnih problema na Kosovu i Bosni i Hercegovini. Posebno je razgovarano o očekivanjima Misije EU na Kosovu, EULEX, i provođenju Rezolucija Vijeća sigurnosti UN, kao i odnosima Beograda i Prištine u rješavanju aktuelnih problema.

Nakon prezentacija, koje su bile uvod u popodnevnu raspravu, o prijedlogu Rezolucije POGLED NA BUDUĆNOST KOSOVA, vođena je šira rasprava.

U pripremi za raspravu o prijedlogu Rezolucije o Kosovu, članovi Delegacije PS BiH nisu imali jedinstven stav te je dogovoreno da će u diskusiji i eventualnim prijedlozima i amandmanima svaki član Delegacije govoriti u svoje ime što je između ostalog definisano kao mogućnost i Statutom u radu Komiteta.

Delegacija R Srbije u NATO PS amandmanski je djelovala prema tekstu Prijedloga Rezolucije o Kosovu.

Učesnici u radu Komiteta su iznijeli brojna viđenja o aktuelnoj situaciji na Kosovu.

Milorad Živković je o prijedlogu Rezolucije POGLED NA BUDUĆNOST KOSOVA, nakon prigodnog pozdrava rekao sljedeće:

„Može se primjetiti da se radi o primjeni različitih principa kada uporedite dva dokumenta koja se nalaze na dnevnom redu jesenjeg zasjedanja NATO Parlamentarne skupštine.

Naime, u PRVOJ Deklaraciji „SUKOB IZMEĐU GRUZIJE I RUSKE FEDERACIJE“ u tekstu se navodi Rezolucija UN 1808 i autor se poziva na međunarodno pravo, dok se u DRUGOJ rezoluciji o Kosovu izbjegava navesti Rezolucija UN-a 1244.

Mislim da mi, kao parlamentarci, ne smijemo dozvoliti uvođenje dvostrukih standarda u našem radu.

Najmanje što možemo učiniti je da se u DRUGOJ, Rezoluciji o Kosovu, pozovemo na Rezoluciju UN-a 1244. i pozdravimo Odluku Generalne skupštine UN da uputi zahtjev za savjetodavno mišljenje Međunarodnom sudu pravde.“

Nakon rasprave o tekstu prijedloga Rezolucije o Kosovu prihvaćena su dva amandmana Delegacije R Srbije u NATO PS kao i manje izmjene prijedloga Rezolucije.

Komitet je cjelodnevni rad završio usvajanjem prijedloga Rezolucije o Kosovu.

Komitet za odbranu i sigurnost

U radu Komiteta je učestvovao Ivo Miro Jović.

Radom Komiteta je predsjedavao Julio Miranda Calha, predsjedavajući, Portugal.

Tokom rada Komiteta održane su prezentacije o temama:

- Sigurnosna i odbrambena politika Španije, Constantino Mendez, državni sekretar Ministarstva odbrane Španije,
- Trenutni prioriteti i naučene lekcije aktuelnih NATO operacija, Frank Cook, UK
- NATO operacije u Avganistanu, ISAF, stanje i perspektive, Christopher H. Moran, zamjenik NATO Komandanta, JFC Bruonssum, Holandija,
- Aktuelno stanje u Gruziji, Giorgi Baramidze, zamjenik Predsjednika Vlade Gruzije,

Vođena je rasprava o Rezoluciji pod nazivom: „Budućnost NATO operacija“ kao i prijedlog izvještaja o učešću zemalja koje nisu članice NATO u NATO operacijama. Raspravu i diskusiju o ovoj problematici vodio je Sverre Myrli iz Norveške.

Politički komitet

U radu Komiteta su učestvovali Milorad Živković, Halid Genjac i Ivo Miro Jović.

Radom Komiteta je predsjedavao Markus Meckel, predsjedavajući, SR Njemačka.

Tokom rada Komiteta održane su prezentacije o temama:

- Sigurnosni izazovi u zemljama Sjeverne Afrike, Miguel Angel Moratinos, ministar vanjskih poslova Kraljevine Španije,
- Posljedice sukoba Gruzije i Ruske Federacije i njegove posljedice za budućnost Južnog Kavkaza, Dennis Sammut, izvršni direktor Londonska informativna mreža,

Vođena je rasprava o prezentacijama i izlaganjima sa posebnim osvrtom na sukob Gruzije i Ruske Federacije. Diskutovano je o načinu predlaganja amandmana, o približavanju stavova oko ponuđene Deklaracije o Sukobu Gruzije i Ruske Federacije. Posebno je bila interesantna rasprava o korelaciji i uticajima unutarnje i spoljne politike Ruske Federacije.

16. 11. 2008. godine

Održani su sastanci Komiteta na kojima su članovi Delegacije PS BiH uzeli učešće:

- Komitet za civilnu dimenziju sigurnosti
- Komitet za odbranu i sigurnost

- Komitet za ekonomska i sigurnosna pitanja
- Politički komitet

Komitet za civilnu dimenziju sigurnosti

U radu Komiteta učestvovao je Milorad Živković.
Radom Komiteta predsjedavao je Michael Clapham, UK.

Tokom rada Komiteta održane su prezentacije o temama:

- Izazovi terorizma u Evropi, profesor Fernando Reinares, Direktor Programa za globalni terorizam, Madrid,
- Promocija demokratije i sigurnosne saradnje u Centralnoj Aziji, Jos Boonstra, Fondacija za međunarodne odnose i dijalog FRIDE,

Vođena je rasprava o prijedlogu Izvještaja pod nazivom: „Demokratija i sigurnost Centralne Azije: Politika NATO i EU u tom regionu“, Marc Angel, Luxemburg.

Razgovarano je o prijedlogu aktivnosti u 2009. godini, posebno o rganizaciji Rose – Roth seminara po sljedećem planu:

- Bosna i Hercegovina, 19.-21. mart 2009. godine,
- Kazahstan, kraj juna 2009. godine i
- Ukrajina, oktobar 2009. godine

U popodnevnom dijelu održan je okrugli sto o temi: „Žene u Oružanim snagama“
Uvodna izlaganja su imali Jane Cordy, Kaanada i Hendrik Jan Ormel, Holandija.

Prezentacije o navedenim temama imali su vice admiral Javier Pery Paredes, MO Španije i Belen Caballud Hernando, savjetnica MO Španije te Ana Maria Gomes, član Evropskog parlamenta iz Portugala.

Nakon veoma interesantne rasprave o temi: „Žene u Oružanim snagama“ iznešen je podatak da je trenutno u Oružanim snagama Španije angažovano oko 12% žena. To je postignuto u posljednjih 20 godina, od 1989. kada uopšte nije bilo žena u Oružanim snagama. Danas je najviši rang u OS Španije major, a do 2017. godine očekuje se proizvođenje u čin generala, prve žene oficira.

Komitet za odbranu i sigurnost

U radu Komiteta su učestvovali Ivo Miro Jović i Halid Genjac.
Radom Komiteta je predsjedavao Julio Miranda Calha, predsjedavajući, Portugal.

Tokom rada Komiteta održane su prezentacije o temama:

- Transformacija oružanih snaga Španije, general Jose Julio Rodriquez Fernandez, komandant Generalštaba Vojske Španije,
- Sadašnji i budući kapaciteti Alijanse, Peter Flory, pomoćnik generalnog sekretara NATO,

Vođena je rasprava o Izveštaju Podkomiteta za Transatlansku odbrambenu i sigurnosnu saradnju o temi: „Sadašnji i budući kapaciteti i prioriteti NATO“. Raspravom je predsjedavao Ragnheidur E. Arnadottir, Island.

Politički komitet

U radu Komiteta je učestvovao Halid Genjac.
Radom Komiteta je predsjedavao Markus Meckel, predsjedavajući, SR Njemačka.

Tokom rada Komiteta održane su prezentacije o temama:

- Avganistan i Pakistan, Ahmad Rashid, ekspert,
- Zemlje Jugoistočne Evrope u Euro-atlanskim strukturama, Gerald Knaus, predsjednik Inicijative za stabilnost Evrope (ESI)

Vođena je rasprava o prijedlogu Izvještaja Podkomiteta za transatlanske relacije o temi: Iran – NATO-ov politički angažman i prijedlogu Rezolucije pod nazivom: „Budućnost odnosa i partnerstva NATO- Ruska Federacija“

Tokom rasprave o prijedlogu Rezolucije ispoljene su brojne razlike u gledanjima na budućnost odnosa Ruska Federacija - NATO u svjetlu sukoba Gruzija – Ruska Federacija. Sukob Gruzija – Ruska Federacija i njegove posljedice su izazvale brojne kontradiktorne polemike i razmimoilaženja u stavovima. Brojni amandmani na predloženu Rezoluciju proizveli su komentare kako predstavnika NATO tako i Ruske Federacije. Nastojanja da se usaglase amandmani nisu išli željenim tokom jer uglavnom se sa ruske strane prigovaralo o različitim aršinima u tumačenju sukoba sa Gruzijom.

17.11.2008. godine

Održan je sastanak Stalnog komiteta na kome je sumirana rasprava o prijedlogu rezolucija i deklaracija Konferencije.

Članovi Delegacije PS BiH u NATO PA održali su sastanak sa Nikolom Radovanovićem, ambasadorom BiH u Kraljevini Belgiji i Misiji BiH pri NATO.

Tom prilikom ambasador Radovanović je upoznao članove Delegacije o aktivnostima Misije BiH pri NATO, o stanju i stepenu realizacije programa koje realizuje BiH i njene institucije sa NATO, o mogućem učešću OS BiH u misijama NATO kao i o drugim aktuelnim pitanjima.

Ambasador Radovanović je istakao da zabrinjava broj angažovanih ljudi u Misiji BiH pri NATO u Briselu jer već godinu i po dana se čeka adekvatna popuna. Više puta je upućivao informacije i zahtjeve MVP BiH, međutim po tom pitanju se nije dovoljno uradilo. I predstavnici NATO u Briselu upozoravaju na tu činjenicu.

Kada su u pitanju programi koji se realizuju sa NATO, sugestija je ambasadora Radovanovića da se nastavi dosadašnja uspješna realizacija IPAP, Programa individualne partnerske saradnje, da se na tematskoj sjednici Vijeća ministara BiH odredi dalji kurs u toj oblasti te da se NATO Koordinacioni tim Vijeća ministara BiH više uključi interesorno u realizaciju započetih aktivnosti.

Sugerisao je da se što prije definiše politika učešća OS BiH u NATO mirovnim misijama jer za to postoje osposobljeni ljudi u OS BiH.

18.11. 2008. godine

Održana je plenarna sjednica NATO PS.

Plenarnoj sjednici je prisustvovala kompletna Delegacija PS BiH u NATO PS.

Tokom plenarnog zasjedanja izlaganje su imali:

- Jose Lello, Predsjedavajući NATO PS,
- Rita Barbera, gradonačelnica Valensije,
- Francisko Camps, predsjednik regionalne Vlade Valensije,

- Michael Clamphan, predsjednik Komisije za civilnu dimenziju sigurnosti, obrazložio je tok rasprave o rezoluciji PUT KOSOVA U BUDUĆNOST , nakon čega je rezolucija usvojena.
- Frank Cook, generalni izvjestilac Komiteta za odbranu i sigurnost je obrazložio prijedlog Rezolucije o NATO budućim operacijama, nakon čega je rezolucija usvojena.
- Hugh Bayley, generalni izvjestilac Ekonomskog i sigurnosnog komiteta je obrazložio tekst rezolucije o Avganistanu, nakon čega je usvojena.
- Raynell Andrezchuk, generalni izvjestilac Političkog komiteta je prezentirao prijedlog rezolucije o Budućnosti odnosa NATO i Ruska Federacija što je usvojeno nakon šire rasprave,
- Mario Tagarinski, izvjestilac Podkomiteta za energiju i zaštitu okoline obrazložio je tekst rezolucije o Energiji i sigurnosti što je nakon rasprave usvojeno,
- Joao Soares, Predsjednik OSCE Parlamentarne skupštine, se obratio skupu govorom koji je bio usmjeren ka aktivnostima OSCE i saradnji sa NATO.
- Kanat Saudabayev, državni sekretar Kazahstana je održao prezentaciju o aktuelnom stanju u Kazahstanu,
- Jaap de Hoop Scheffer, generalni sekretar NATO i Predsjedavajući Sjeverno – atlanskog Vijeća, se obratio učesnicima 54. konferencije nakon čega je odgovarao na pitanja učesnika Konferencije,
- General Bantz John Craddock, vrhovni komandant NATO za Evropu, se obratio učesnicima Konferencije nakon čega je odgovarao na pitanja o aktuelnoj situaciji u NATO operacijama,
- Francisco Javier Rojo, predsjedavajući Senata Španije, Jose Bono predsjedavajući Španskog Kongresa govorili su aktivnostima zakonodavne vlasti Španije u sektoru sigurnosti.

U popodnevnom dijelu plenarnog zasjedanja NATO PS su se obratili:

- Mikheil Saakashvili, predsjednik Republike Gruzije,
- Jan Petersen, potpredsjednik NATO PS nakon čijeg izlaganja je usvojena Deklaracija o sukobu Gruzije i Ruske Federacije.

Generalni sekretar NATO PS je prezentirao prijedlog aktivnosti NATO PS u 2009. godini. Tokom završne debate glasano je o prijedlogu budžeta NATO PS u 2009. godini.

Izveštaj sačinio
Željko Grubešić

PREDSJEDAVAJUĆI DELEGACIJE
dr. Milorad Živković

Dostaviti:

- Kolegiju Doma naroda
- Kolegiju Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za vanjske poslove Predstavničkog doma
- Kolegiju Sekretarijata
- Kopija: Ministarstvu vanjskih poslova BiH

